

Image not found

<https://letteraturaeuropea.uniroma1.it/sites/all/themes/business/logo.png>

Lirica Medievale Romanza

Published on *Lirica Medievale Romanza* (<https://letteraturaeuropea.let.uniroma1.it>)

Home > BERTRAN DE BORN > EDIZIONE > Be·m platz lo gais temps de pascor > Tradizione
manoscritta > Canzoniere I > Edizione diplomatica

Edizione diplomatica



Bertrans del born.

B

em platz lo douz temps de pascor. Q(ue) fai foillas
eflors uenir. Eplatz me quan uei la baldor.
Delz auselz que fan retentir. Lor chan p(er) lo bos
cage. Em platz quan uei sobreis pratz. Tendas epa
uillos fermatz. Er ai grant alegratz. Quan uei
p(er) canpai(n)gna rengatz. Caualliers ecauals armatz.

E

platz mi quan li corredor. Fan las genz elauer
fugir. Eplatz me quan uei apres lor. Gran re(n) dar-
matz ensems uenir. Eplatz me moue en mo(n) cora-
ge. Quan uei fortz castels aseiatz. El beri totz es es-
fondratz. Euei lost el riuage. Ques tot entorn
clau de fossatz. Ablichas de fortz pals seiatz.

E

t atressim platz de sei(n)gnor. Quant es p(re)miers
alenuair. En caual armat ses temor. Caissi fai
los sieus enardir. Aualen uassalatge. Epuis quel
estors es mesclatz. Echascus deu esser acesmatz.
Esegrel dagradatge. Que nuls hom no(n) es ren
prezatz. Tro qua mai(n)z colps pres edonatz.

L

anssas ebrans elms de color. Escutz tra(n)car ede
sgarnir. Veirem alenrar del estor. Emmainz uassals
ensems ferir. Don auaran aratge. Cauals dels
mortz edels naffratz. Equan seren en lestor entraz.
Cascus hom de paratge. No(n) pens mas dasclar
caps ebratz. Que mais ual mors q(ue) uius sobratz.

I

eus dic que tant nomasabor. Maniars ni beu
re ni dormir. Com a quant aug cridar alor.
Dambas las partz et aug enguir. Cauals uoiz
p(er) lerbatge. Et aug cridar aiatz aiatz. Euei cazer
p(er) los fossatz. Paucs egrans p(er) lombrage. Euei los
mortz q(ue) pels costatz. ablos penons ablos rendatz.

B

aros metetz engatge. Castels ouillas ociutaz.
Enans cus quecs nos guerreiatz.

- letto 175 volte